



საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტის  
აკადემიური საბჭო

დადგენილება № 06-01/23

ქ. ბათუმი

15 მარტი, 2021 წ.

**„ბსუ-ში დიპლომირებული მედიკოსის ერთსაფეხურიან (ინგლისურენოვან) საგანმანათლებლო პროგრამაზე 2020-2021 სასწავლო წლის ორგანიზებულად წარმართვის შესახებ“ ბსუ-ს აკადემიური საბჭოს 2020 წლის 09 სექტემბრის N06-01/59 დადგენილებაში ცვლილებებისა და დამატებების შეტანის შესახებ**

„უმაღლესი განათლების შესახებ“ საქართველოს კანონის 21-ე მუხლის 1-ლი პუნქტის, ბსუ-ს წესდების მე-8 მუხლის მე-4 პუნქტის, „ბსუ-ს საბუნებისმეტყველო მეცნიერებათა და ჯანდაცვის ფაკულტეტის „დიპლომირებული მედიკოსის“ ერთსაფეხურიან საგანმანათლებლო (ინგლისურენოვან) პროგრამაზე მე-8 ნაკადზე ჩარიცხულ სტუდენტთათვის 2021-2022 სასწავლო წლის გაზაფხულის სემესტრის აკადემიური კალენდარისა და საორგანიზაციო ღონისძიებების შესახებ“ ბსუ-ს რექტორის 2021 წლის 01 თებერვლის N01-02/13 ბრძანების (ცვლილება 2021 წლის 2 მარტის N01-02/38 ბრძანების), „უმაღლესი საგანმანათლებლო დაწესებულებებისა და პროფესიული საგანმანათლებლო პროგრამების განმახორციელებელი დაწესებულებების მიერ სასწავლო პროცესის განხორციელების შესახებ“ საქართველოს განათლების, მეცნიერების, კულტურისა და სპორტის მინისტრის 2021 წლის 24 თებერვლის MES 1 21 0000159323 ბრძანების, საბუნებისმეტყველო მეცნიერებათა და ჯანდაცვის ფაკულტეტის დეკანის მოადგილის 2021 წლის 09 მარტის MES 6 21 0000203922 მოხსენებითი ბარათის საფუძველზე, აკადემიურმა საბჭომ

**დაადგინა:**

1. „ბსუ-ში დიპლომირებული მედიკოსის ერთსაფეხურიან (ინგლისურენოვან) საგანმანათლებლო პროგრამაზე 2020-2021 სასწავლო წლის ორგანიზებულად წარმართვის შესახებ“ ბსუ-ს აკადემიური საბჭოს 2020 წლის 09 სექტემბრის N06-01/59 დადგენილებაში შევიდეს ცვლილებები და დამატებები, კერძოდ:

ა) პირველი პუნქტის „დ“, „ე“ და „ვ“ ქვეპუნქტები ჩამოყალიბდეს შემდეგი რედაქციით:

„დ) გაზაფხულის სემესტრის აკადემიური რეგისტრაცია/აკადემიურ რეგისტრაციაში ცვლილებების შეტანა - 2021 წლის 22 მარტიდან 19 აპრილის

**ჩათვლით** (აპრილის რეისით საქართველოში ჩამოსული ბსუ-ს სტუდენტებისათვის - 24 აპრილის ჩათვლით);

ე) გაზაფხულის სემესტრის სასწავლო პროცესი (ლექციები/ჯგუფში მუშაობა/სემინარები/კლინიკური/ლაბორატორიული სამუშაო) დაიწყო **2021 წლის 19 აპრილს** და დასრულდეს **2021 წლის 31 ივლისს** (სულ 15 სასწავლო კვირა);

ვ) გაზაფხულის სემესტრის ძირითადი საგამოცდო სესია ჩატარდეს 2021 წლის 2 აგვისტოდან 22 აგვისტოს ჩათვლით, ხოლო დამატებითი საგამოცდო სესია - 2021 წლის 23 აგვისტოდან 29 აგვისტოს ჩათვლით;“

ბ) პირველი პუნქტის „ვ“ ქვეპუნქტების შემდეგ დაემატოს „ზ“ ქვეპუნქტი და ჩამოყალიბდეს შემდეგი რედაქციით:

„ზ) 2020-2021 სასწავლო წლის კურსდამთავრებულთათვის კვალიფიკაციის მინიჭება განხორციელდეს **2021 წლის 30 აგვისტოდან 3 სექტემბრის ჩათვლით**. სტუდენტების მიერ „დიპლომირებული მედიკოსის“ ინგლისურენოვანი პროგრამის მოთხოვნების (სულ 360 კრედიტის) 12 სემესტრზე ნაკლებ ვადაში შესრულების შემთხვევაში, კვალიფიკაციის მინიჭება განხორციელდეს შესაბამისი ფაკულტეტის საბჭოს წარდგინებით მიღებული ბსუ-ს აკადემიური საბჭოს დადგენილების საფუძველზე.“;

გ) 1<sup>1</sup> პუნქტი შეიცვალოს და ჩამოყალიბდეს შემდეგი რედაქციით:

„1<sup>1</sup>. ბსუ-ს დიპლომირებული მედიკოსის ერთსაფეხურიან (ინგლისურენოვან) საგანმანათლებლო პროგრამაზე 2021 წლის გაზაფხულის სემესტრისათვის ჩარიცხული სტუდენტებისათვის (შემდეგში - „VIII ნაკადზე“ ჩარიცხული პირები) წარიმართოს შემდეგი განრიგით:

„ა) გაზაფხულის სემესტრის აკადემიური რეგისტრაცია - **19 აპრილის ჩათვლით** (აპრილის **ჩართებული** რეისით საქართველოში ჩამოსული ბსუ-ს სტუდენტებისათვის - 24 აპრილის ჩათვლით);

ბ) გაზაფხულის სემესტრის სასწავლო პროცესი (ლექციები/ჯგუფში მუშაობა/სემინარები/კლინიკური/ლაბორატორიული სამუშაო) დაიწყო **2021 წლის 19 აპრილს** და დასრულდეს **2021 წლის 31 ივლისს** (სულ 15 სასწავლო კვირა);

გ) გაზაფხულის სემესტრის ძირითადი საგამოცდო სესია ჩატარდეს 2021 წლის 2 აგვისტოდან 22 აგვისტოს ჩათვლით, ხოლო დამატებითი საგამოცდო სესია - 2021 წლის 23 აგვისტოდან 29 აგვისტოს ჩათვლით;“;

დ) 1<sup>1</sup> პუნქტის შემდეგ დაემატოს შემდეგი შინაარსის 1<sup>2</sup>, 1<sup>3</sup> და 1<sup>4</sup> პუნქტები:

„1<sup>2</sup>. 2020-2021 სასწავლო წლის გაზაფხულის სემესტრის სასწავლო პროცესი ყველა ნაკადის სტუდენტებისათვის წარიმართოს შემდეგი ფორმატით:

ა) 2021 წლის **19 აპრილიდან** - ჰიბრიდული ფორმატით, თეორიული ნაწილი (ლექციები) - დისტანციურად, ხოლო პრაქტიკული, ლაბორატორიული და კლინიკური კომპონენტი - საუნივერსიტეტო სივრცეში და სამედიცინო ბაზებზე;

ბ) 2021 წლის 17 მაისიდან - საუნივერსიტეტო სივრცეში, არადისტანციურ ფორმატში, თუკი ეპიდვითარების რისკები მკვეთრად შემცირდება;

1<sup>3</sup>. სასწავლო პროცესი წარიმართოს ყოველ დღე, გარდა კვირისა, ფაკულტეტზე შემუშავებული სასწავლო ცხრილების შესაბამისად.

1<sup>4</sup>. აკადემიური საათი განისაზღვრება 50 წუთით, ხოლო მეცადინეობათა შორის შუალედი/შესვენება - 10 წუთით. დისტანციური სწავლების პირობებში, აკადემიური საათის ხანგრძლივობა განისაზღვრება ბსუ-ს სასწავლო პროცესის მართვის ელექტრონულ სერვისების მეშვეობით მიწოდებული ინსტრუქციით (**არანაკლებ 40**

წთ-ით, სტუდენტთა საჭიროების შემთხვევაში დამატებითი ელექტრონული კომუნიკაციის პირობით), თანახმად „ბსუ-ში ელექტრონული სწავლების ადმინისტრირების წესის დამტკიცებისა და 2020-2021 სასწავლო წლის ზოგიერთი საორგანიზაციო ღონისძიების შესახებ“ ბსუ-ს რექტორის 2020 წლის 1 ოქტომბრის N01-02/130 ბრძანებისა.“.

2. საქართველოს მთავრობის ან/და საქართველოს განათლების და მეცნიერების სამინისტროს სამართლებრივი აქტების მოთხოვნათა (რეკომენდაციების) გათვალისწინებით, ბსუ-ში 2020-2021 სასწავლო წლის კალენდრის ცვლილებასთან ან/და სასწავლო პროცესის სრულად ან ნაწილობრივ ელექტრონულად (დისტანციურად) წარმართვის შესახებ შესაბამისი სამართლებრივი აქტების გამოცემის საჭიროების შემთხვევაში, იგი გამოსცეს ბსუ-ს რექტორმა.

3. წინამდებარე დადგენილებით განხორციელებული ცვლილებების შესახებ შესაბამისმა ფაკულტეტმა აცნობოს პროგრამის სტუდენტებს, სასწავლო პროცესში გამოყენებული ყველა ელექტრონული სერვისის საშუალებით.

4. წინამდებარე დადგენილების საფუძველზე იურიდიულმა დეპარტამენტმა მოამზადოს კოდიფიცირებული 2020 წლის 9 სექტემბრის N06-01/59 დადგენილება და სამსახურებრივი ბარათის საფუძველზე წარუდგინოს ბსუ-ს რექტორს, ხოლო ბსუ-ს საინფორმაციო ტექნოლოგიების სამსახურმა განათავსოს ბსუ-ს ვებგვერდზე („სწავლა“-„აკადემიური კალენდარი“ და ინგლისურენოვან ველში „სტუდენტის გზამკვლევი“ ახალი ჩანართის - „აკადემიური კალენდარი“ დამატებისათვის).

5. დადგენილება განთავსდეს ბსუ-ს ვებგვერდზე.

6. დადგენილება დაეგზავნოს ბსუ-ს საბუნებისმეტყველო მეცნიერებათა და ჯანდაცვის ფაკულტეტს, ხარისხის უზრუნველყოფის სამსახურს, რექტორის მოადგილეს, ადმინისტრაციის ხელმძღვანელს, სასწავლო პროცესის დეპარტამენტს, იურიდიულ დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიების სამსახურს, სტუდენტთა კარიერული განვითარების, კულტურისა და სპორტის დეპარტამენტს.

7. დადგენილება ამოქმედდეს ხელმოწერისთანავე.

8. დადგენილება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

აკადემიური საბჭოს თავმჯდომარე,  
რექტორი, ასოცირებული პროფესორი

მერაბ ხალვაში